

## Vlax - Braduipe Ppenel o Pisipe - Salvation Scriptures

Efesios 2:2 kana tumen zivina prema o zivoto gale suetoko ta cherena so ppenela tumenge gua duo kai gazdaril pe balau ta radil e llenenchar kai ni kanden e Devle.

Mateo 6:10 Te avel chi charoina, te cherdol chi volia pe ppuv gia sar cherdol ando miloso.

Lukaseki 22:42 Ta ppenda "Dade, te kamea, na muk te nakkau gaia patnia, a mai lache si te cherdol chiru volia a na murni.

Juaneki 16:7-9 Me ppenau tumenge o chachipe: Mai lache si tumenge te llautar. Soke te na llavatar, gua kai ka del tumen zor ni ka avel tumende; a te llelemtar, ka bichalaule tumenge 8 Kana vou ka avel ka sikavel e sueto ko si bilacho, ko si lacho, ta ko si krisime e Devletar. 9 Ko si bilacho: Gua kai ni pachal ande mande;

2 O Duito Timoteo 2:10 Goleke sa so nakkau, nakkaule pala e llene kai o Del esvirisarda, te sai resen i von kai o braduipe ta kai o blagosipe kai si ostade ando Kristo Jesus

Romanonenge 15:20,21 Me suako drom ttodem man te ppenau e lachi viasta, kote kai nikada ni asunde katar o Kristo, gia te na lau o rado kai aver llene cherde. 21 Goleke manglem te cherau so ppenel o Pisipe "Ka dikken le ta ka acharen le gola kai nikada ni asunde ni iek orba leki.

So Cherde e Apostole 2:36,37 "Te llanel sa o foro katar o Israel kai chachimaia isto gava Jesus kai tumen krustosarden, o Del cherda le Gazda ta Mesias. 37 Kana asunde gua e llene kai sea chidine, avila lenge but zalba, ta puchle e Pedro ta ogole apostolen —Pplalalen, ¿So morabi te chera

Hebreos 4:2 Soke amen asundam e lachi viasta, sargo von; a lenge ni blazisarda niso kai asunde goia orba, soke ni ttodepe ande iek ttan e llenenchar kai pachaie.

Jeremias 24:7 - Mateo 22:37 O Jesus ppenda leke —'Volisar che Devle sa che liea, sa che zivotoia ta sa che misloia.'

So Cherde e Apostole 16:14 Iek lendar ikkardola Lidia; voi saia katar e Tiatira ta bichinela chituria but lache vunete sargo kaline. Gaia diskinia kai blagosila e Devle ta kai asunela e orba, o Gazda cherda te ttovel sama pe so ppenela o Pablo.

Mateo 13:14-16 Goleke lenge cherdili e porouka katar o Isaias kana ppenda: 'E kanenchar ka asunen, ta e akkenchar ka dikken a niso ni ka acharen. 15 Soke o lio gale foroko cherdilo zuralo, ta pe kanenchar asunen ppore, ta ppangle pe akka te na dikken, ta ppangle pe kan te na asunen cherdele te na acharen te na irinpe mande te sastarau len. 16 "Blagosime tumare akka soke

dikken, ta tumare kan soke asunen.

Isaias 6:9,10 - So Cherde e Apostole 28:27 O lio gale foroko si zuralo, lenge akka si ucharde ta lenge akka si ppangle te na dikken ni te asunen, ni te acharen; te na irinpe mande, ta te na sastarau len.

Markoki 4:11,12 Vou ppenda lenge "O Del sikavel tumenge so si gurudino katar pi charoina; a golenge kai si avri ppendolpe sa e ezgode ande paramiche. 12 Ta gia, mai te dikken, ni ka dikken, ta mai te asunen, ni ka acharen, te na irin pe kai o Del te prostil len.

Juaneki 12:39,40 Goleke nasti pachana soke o Isaias ppenda 40 "O Del korrada lenge akka ta zuriarda lengo lio, te na dikken te na acharen; te na keimpe, a me te sastarau len.

Romanonenge 11:7,8 Chachimaia e israelitura ni marakkle so rodena, a gole kai o Del esvirisarda, gola si kai marakkle le. Soke ogola sea but zurale soreke. 8 Sar ppenel o Pisipe O Del dia len iek duo te na acharen, akka te na dikken, kan te na asunen llik allive

2 O Duito Tesalonicenses 2:10,11 Ta ka radil suako bilachimaia te kojavel gole kai jasaon, soke ni kamle te len ta te violin o chachipe ta te braduinpe. 11 Goleke o Del mukel te aven kojade katar so inai chacho ta te pachan ando kojaipe,

Mateo 13:18-23 "Asunen akana so mangel te ppenel e paramichi katar o simichari: 19 Kana vareko asunel e orba katar e charoina ta ni acharel la, avel o bilacho ta lel so saia ttodo ande leko lio; gaia si e simicha kai pelitar pasa o drom. 20 E simicha kai peli maskar e barra si sargo gola llene kai: Asunen e lachi viasta ta len la veselimaia, 21 a sar inai len zile, oma muken o drom e Devleko ta kana avel e patnia ta kana mangen te maren len cheres e orba e Devleki, oma peren 22 A e simicha kai peli maskar e karrne si sargo gola llene kai asunen e Devleki orba, a e briga te cheren love ande gava sueto, ta o volipe kai si len po barvalipe kojaven len ta sa gala ezgode tasaven e orba e Devleki, ta ni muken len te den septelie ande lende. 23 A e simicha kai peli pe lachi ppuv, si sargo gola llene kai asunen e orba e Devleki ta acharen la ta den septelie; ta den stotina, sovardes, ta tranda pe iek.

2 O Duito e Korintionengue 3:15,16 Ta llik allive, kana chitin e lila e Moiseseke, iek dikklo ucharen len te na acharen. 16 A kana iek lleno irilpe kai o Gazda, gua dikklo lelpet letar.

Oseas 11:3-7 - Mateo 11:28-30 Aven mande sa gola kai sen radime ta kai inllaren pparipe, ta me ka cherau te lelpet tumendar o chiñipe. 29 Kanden mo zakono ta sikon mandar kai ni istardivau ta mo lio si kovlo ta manchar ka lelpet tumendar o chiñipe. 30 Soke mo zakono sai inllardol ta inai pparo."

So Cherde e Apostole 26:18 Te putare lenge akka te na ppiren ios ando truñariko, ta te llan ando villelo; te na gazdaril pe lende o Satanas, ta te llan pala o Del; te pachan ande mande ta gia te len o prostipe ta te aven katar o

santo foro e Devleko.

2 O Duito Timoteo 2:24-26 Ta iek esluga e Gazdako nasti avel ande chingar, morabi te avel posteno saurrenchar. Morabi te llanel te sikavel; morabi te avel le vreme e llenencha 25 ta te ortol postenimaia e llenen kai ni pachan, ta o Del sai te cherel te keimpe ta te pinllaren o chachipe, 26 te llungadon ta te nasen katar o kojaipe kai ppangla len o llavolo te cherel lendar so vou kamel.

Apocalipsis 3:17-19 A tu ppene: me sem barvalo, barvailem ta niso ni trubul man; a ni llane kai inai tut veselia ta san iek lakomo, chorro, korro ta nango 18 Goleke me ppenau chuke: te chine mandar sunakai chistome ande iag te sai ave barvalo, ta patave parne te sai furiado ta te na dikkol o lallao katar cho nangipe, ta ttou pe che akka kolirio te sai dikke. 19 Me dau pe sa gola kai voliu ta dukkavau len, goleke trudisao ta keisao

2 O Duito e Korintionengue 7:10 soke o tristope kai avel katar e volia e Devleki inllarel amen te pparrudiva ta braduil amen, a o tristope gale zivotoko so del si o meripe.

1 O Purvo Charonengo 18:37 - Del turn heart back to Del.

2 O Duito e Korintionengue 4:4 Goleke sar von ni pachan, o del gale suetoko cherda len korre, te na acharen ta te na dikken o villelo katar e lachi viasta katar o Kristo o baro, soke letar sikadol o Del.

Lukaseki 8:11-15 "Gava si so ppenel e paramichi: E simicha si o alau e Devleko.

12 A e simiche kai peletar po drom si e llene kai asunen o alau, a avel o llavolo ta ikanel o alau katar lengo lio te na pachan ta te na braduinpe. 13 E simicha kai peli maskar e barra si sargo gola llene kai: Asunen e lachi viasta ta len la veselimaia, a inai len but zile. Pachan nesavo vreme, a kana avel o zumadipe jasaon 14 E simiche kai peletar maskar e karrne si e llene kai asunen, a sa poloke muken te tason pala e brige, o barvalipe ta o lachipe e zivotoko, ta ni resen te den septelie. 15 A e simiche kai peletar pe lachi ppuv, si e llene kai iekke lache liea mangen te asunen ta cheren so ppenel o alau ta llan orta, ta den petar lache septelie.

So Cherde e Apostole 15:11 A inai gia, amen pacha kai von ta i amen sam braduime llabe pala o lachipe e Gazdako o Jesus

Romanonenge 8:13 Soke tumen te zivina e ezgodenchar kai tumen mangen, ka meren ostade; a katar o Santo Duo te mukena gola ezgode bilache kai mangen, ka avel tumen zivoto ostade.